



[General](#)

Chinese New Year Cultural tarik minat pelajar-pelajar UMPSA

5 February 2025

GAMBANG, 21 Januari 2025 – Seramai 120 orang pelajar program asasi Pusat Sains Matematik (PSM), pelajar dari China dan staf memeriahkan Program Chinese New Year Cultura anjuran Confucius Institute Universiti Malaysia Pahang Al-Sultan Abdullah (CI UMPSA) dengan kerjasama PSM UMPSA baru-baru ini.

Program itu dibantu oleh seramai lapan orang staf akademik China dari CI UMPSA bagi memberi pendedahan berkaitan kaligrafi Cina, seni menggunting kertas, lukisan Cina, mewarna kipas Cina, memasak ladu dan memakai pakaian Cina.



Menurut pelajar program Asasi Sains dan Teknologi, PSM, Akmal Hakimi Ahmad Mukhlis, inilah kali pertama beliau mengenali tentang cara penyediaan dan memasak ladu.

“Dengan pengalaman memasak sendiri ladu, ia telah meningkatkan pemahaman dan turut menambah kosa kata mengenai makanan Cina daripada kelas bahasa Mandarin,” katanya.

Program turut dimeriahkan dengan kehadiran beberapa orang pelajar dari China yang sedang mengikuti program ijazah sarjana dan doktor falsafah (PhD) di UMPSA.

Mereka menzahirkan rasa gembira walaupun tidak dapat balik ke negara sendiri, mereka tetap dapat menyambut Tahun Baharu Cina bersama kawan-kawan di sini.

Bagi Pengarah CI UMPSA, Yong Ying Mei, selain mempelajari bahasa Mandarin, mengenali budaya Cina turut dapat membantu seseorang untuk berkomunikasi dengan lebih lancar.



"Para pelajar digalakkan untuk menyertai aktiviti kebudayaan."

"Dengan sokongan daripada universiti, CI UMPSA telah menganjurkan banyak aktiviti bahasa Mandarin dan kebudayaan untuk para pelajar setiap tahun," katanya.

Turut hadir Timbalan Dekan (Akademik dan Hal Ehwal Pelajar) PSM, Dr. Norhafizah Md Sarif dan Ketua Program (Asasi Sains dan Teknologi), Dr. Farahanim Misni.

Disediakan Oleh: Yong Ying Mei, Confucius Institute

- 95 views

[View PDF](#)